


Broj: 05-10442-1/23
Datum: 05.12.2023. godine

Za: **PARLAMENT FEDERACIJE
ZASTUPNIČKI/PREDSTAVNIČKI DOM**
Hamdije Kreševljakovića br. 3, 71000 Sarajevo, BiH
e-mail : ured.tajnika@parlamentfbih.gov.ba
n/r Tajnik /Sekretar



Predmet: Zastupničko pitanje

Projekat: Izgradnja autoceste na Koridoru Vc, dionica: Tunel Prenj

Poštovani,

Hvala na vašem interesu za projekt izgradnje tunela Prenj na koridoru Vc. Razumijemo vašu zabrinutost i želju za konkretnim informacijama.

Trenutno smo u procesu finaliziranja tenderskih dokumenata za izbor izvođača radova. Naš tim zajedno s konsultantima, uključujući i podršku nabavci Projekta te monitoring okoliša i socijalnih pitanja, intenzivno radi na svim aspektima ovog složenog projekta

Što se tiče vašeg upita o početku gradnje i izgradnji dvije tunelske cijevi, možemo potvrditi da je planiran početak gradnje za kraj 2024. godine, uz prethodno završene sve neophodne procedure nabavke i pribavljanja finansijskih sredstava. Također, planirano je da se odmah izgrade dvije cijevi tunela, s ciljem osiguranja potrebne sigurnosti i protočnosti saobraćaja. Ovaj pristup je u skladu s međunarodnim standardima i praksama u izgradnji savremenih tunela.


Nadamo se da će sve faze projekta, uključujući i proces nabavke, biti okončane na vrijeme i u skladu s najvišim standardima. Vaš interes za ovaj projekt je od velikog značaja za nas, i trudimo se osigurati transparentnost i redovno informiranje javnosti o svim aspektima projekta.

Zahvaljujemo na razumijevanju i strpljenju dok radimo na realizaciji ovog važnog infrastrukturnog projekta.

S poštovanjem,

v.d. Direktor:

Denis Lasić



Dostavljeno:

- Naslovu
- a/a



Identifikacijski

Glavni račun:
Transakcijski
Federalna
Naknada za
Registrovano u



broj 4227691540005 PDV broj 227691540005

Union banka Sarajevo 1020010000014039
račun: Raiffeisen bank dd Sarajevo, glavna filijala Mostar 1610200062470038
taksa za korištenje autoceste: 1610200062470232 i 3386902296565422
korištenje cestovnog zemljišta: 1610200062470135 i 3386902296564549
Općinskom sudu u Mostaru, MBS 58-01-0179-10

BOSNA I HERCEGOVINA

Agencija za sigurnost hrane BiH

Food Safety Agency of Bosnia and Herzegovina



БОСНА И ХЕРЦЕГОВИНА

Агенција за безбједност хране БиХ

Broj: 04-1-2-02-6-1286-2/23.

Mostar, 05.12.2023. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
PREDSTAVNIČKI DOM
Hamdije Kreševljakovića 3
71000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 08-12-2023			
Org. jed.	Broj	Priloga	Vrijednost
05/1	-02-	494	/23

n/r Suada Halilović, zastupnica

n/r Ivan Miličević, tajnik

PREDMET: Dostavljanje odgovora na zastupničko pitanje

VEZA: Vaš akt broj: 05-1-02-494/23 od 29.11.2023. godine

Poštovani,

Aktom veze zastupnica Suada Halilović podnijela je zastupničko pitanje koje glasi: „Da li se ispitalo zakonsko uporište uvoza i sigurnost plasiranog proizvoda „PRIME“ na tržište Federacije?“

Na navedeno zastupničko pitanje dajemo sljedeći odgovor:

Njemački savezni institut za procjenu rizika (BfR) u svom mišljenju iz 2001. (ažurirano 2003. godine) navodi da se malo zna o uticaju L-teanina na ljudski organizam, te da se zbog činjenica o željenim i neželjenim efektima izolovanog L-teanina u pićima, protivni dodavanju L-teanina u napitke.

Evropska agencija za sigurnost hrane (EFSA) dala je negativno mišljenje na zdravstvene tvrdnje vezane uz L-teanin i njegovu kognitivnu funkciju, ublažavanje psihološkog stresa, održavanje normalnog sna i smanjenje menstrualnih tegoba. Zbog navedenog su zdravstvene tvrdnje za L-teanin zabranjene u Evropskoj uniji (EFSA Panel on Dietetic Products, Nutrition and Allergies (NDA); Scientific Opinion on the substantiation of health claims related to L-theanine from *Camellia sinensis* (L.) Kuntze (tea) and improvement of cognitive function (ID 1104, 1222, 1600, 1601, 1707, 1935, 2004, 2005), alleviation of psychological stress (ID 1598, 1601), maintenance of normal sleep (ID 1222, 1737, 2004) and reduction of menstrual discomfort (ID 1599) pursuant to Article 13(1) of Regulation (EC) No 1924/2006. EFSA Journal 2011;9(6):2238. [23 pp.]. doi:10.2903/j.efsa.2011.2238).

Uvidom u bazu podataka Evropske komisije o novoj hrani, L-teanin ekstrahiran i izoliran iz zelenog čaja (*Camellia sinensis*) nije nova hrana samo u dodacima prehrani. L-teanin iz drugih izvora je nova hrana.

Postojao je zahtjev za odobrenje tog proizvoda u skladu s Uredbom o novoj hrani. Prema informacijama dostupnima nadležnim tijelima država članica, taj proizvod nije korišten kao hrana ili sastojak hrane prije 15. maja 1997. Stoga je prije stavljanja na tržište u EU-u kao sastojak hrane ili hrane potrebna procjena sigurnosti u skladu s Uredbom o novoj hrani. Potrebne su dodatne informacije.

Nakon procjene dostupnih informacija, a imajući u vidu identificiranu mogućnost štetnog djelovanja na zdravlje ljudi, Agencija za sigurnost hrane Bosne i Hercegovine obratila se nadležnim inspeksijskim organima u Bosni i Hercegovini sa zahtjevom da preduzmu mjere iz svoje nadležnosti, te dostave

Agenciji povratne informacije u vezi s provjerom eventualnog prisustva na tržištu Bosne i Hercegovine spornog proizvoda "PRIME Energy" u kojem je utvrđeno prisustvo L-teanina.

U skladu s dostavljenim povratnim informacijama, na tržištu Bosne i Hercegovine nadležni inspekcijski organi nisu zatekli sporne proizvode „PRIME Energy“, u kojima je u pojedinim zemljama utvrđeno prisustvo L-teanina, dok se po pitanju hidratacijskog napitka PRIME vrši dodatni inspekcijski nadzor. Prema informacijama koje su trenutno dostupne Agenciji, hidratacijski napitak PRIME ne sadrže L-teanin, međutim u toku inspekcijske kontrole za hidratacijski napitak PRIME ustanovljene su druge neusklađenosti u pogledu pružanja informacija potrošačima o hrani, vezano za sastav te je zabranjeno prometovanje svih proizvoda hidratacijskog napitka PRIME od strane Republičke uprave za inspekcijske poslove i hidratacijskog napitka PRIME ICE POP HYDRATION 500 ml. od strane Federalne uprave za inspekcijske poslove.

Dopuštenja za stavljanje na tržište hrane obogaćene nutrijentima, hrane namijenjene posebnim prehrambenim potrebama, te dodatka prehrani nadležna entitetska ministarstva zdravstva, u skladu sa važećim propisima i propisanim procedurama.

Subjekti u poslovanju s hranom koji prometuju takvim proizvodima moraju posjedovati rješenje nadležnog entitetskog ministarstva zdravstva.

Putem Sistema brzog uzbunjivanja za hranu i hranu za životinje (EU RASFF), do trenutka pripreme ove informacije nije zaprimljena obavijest da je na tržište Bosne i Hercegovine distribuiran sporni proizvodi "PRIME Energy".

Odredbama Zakona o hrani („Službeni glasnik BiH“, broj 50/04), neprikladnom za ljudsku konzumaciju smatra se hrana ako sadrži tvari ili sirovine koje nisu dovoljno evaluirane, provjerene i sigurne za ljudsku uporabu, odnosno, napitci sa dodatkom L-teanina smatraju se neprikladnim za ljudsku konzumaciju.

S poštovanjem,



DIREKTOR

Dr. sc. Džemil Hajrić

Dostavljeno:

- Naslovu
- a/a



Kneza Višeslava bb, 88 000 Mostar, Bosna i Hercegovina
Кнеза Вишеслава бб, 88 000 Мостар, Босна и Херцеговина
☎ + 387 36 336 950, ☎ + 387 36 336 990
www.fsa.gov.ba, E-mail: agencija@fsa.gov.ba

